

## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manvscriptis Codicibvs, Qvarvm permultæ antehàc nunquàm  
in lucem prodiêre

Complectens Sanctos Mensivm Septembris Et Octobris

**Surius, Laurentius**

**Coloniae Agrippinae, 1576-**

**VD16 S 10262**

De S. Donatiano Rhemensi episcopo.

---

[urn:nbn:de:hbz:466:1-77413](https://nbn-resolving.de/urn/resolver.pl?urn=urn:nbn:de:hbz:466:1-77413)

DE TRANSLATIONE SACRI CORPORIS S.  
DONATIANI RHEMENSIS ARCHIEPISCOPI AD BRV-  
gas Flandriæ: quam idcirco hic possumus, quod in diem 14. mensis Octobris  
incidat natalis beatissimi Episcopi huius, ne tantum virum  
præterisse videretur.

Octobr. 14.  
quod ad de-  
cessum san-  
ctissimi viri  
attinet.



Baldinus  
Ferreus ap-  
pellatur Co-  
mes & Mar-  
chio Flan-  
diæ.

N O Domini octingentesimo sexagesimotertio, cum iam tertio Flandriam Nortmanni & Dani ferro & igni vastarent, Baldinus Ferreus (qui cum aliquot deceſſoribus suis iamdē à Carolo Magno Flandriæ forestarius, siue litoris Flandrici, tum Saxonici, custos appellatus est) à Rege Francorum Carolo Caluo, cuius filiam Iuditham rapuerat, atque vxorem duxerat, dotis nomine toram regionem, Scalde, Somona, atque Oceano terminatam, accepit, pace inter Regem & ipsum composita intercesſione Pontificis Maximi Nicolai I. & Rhemorum Archiepiscopi: appellatusque est Comes regni Francorum, & Marchio Flandriæ, idque eo potissimum nomine, ut aduersum Danos, omnemque Aquilonis barbariem perpetuus foret regni Francorum propugnator. Ebo quoque Rhemensis Antistes, pacis Flandriæ confirmandæ cauſa, & vt ferocis gentis animi cultu religionis mitescerent, sancti Donatiani corpus Balduino Comiti, quem diximus, in Flandriam misit: cuius Ebonis de ea translatione literæ, quas mox subiungimus, inuentæ sunt in priori theca cum sanctis reliquijs, cum secunda fieret translatio ex veteri theca in aliam longè preciosiorem, anno Domini millesimo nonagesimo sexto, octauo Idus Ianuarij, sub Marchione Flandriæ Roberto, ac Præposito Bertulpho. Ebonis literæ eiusmodi sunt:

Literæ Ebo. Ego Ebo, indignus Rhemorum Archiepiscopus, hunc thesaurum, super gemmas & aurum preciosum, tibi gloriose Marchio Balduine, nostrorum consilio Clericorum transmitto: Donatianum scilicet, septimum nostræ sedis Episcopum, miræ sanctitatis virum, pium exauditem, & promptissimum apud Deum intercessorem, tam secularibus angustijs occupatis, quam peccatorum sceleribus detentis, quod nostris & antecessorum nostrorum temporibus satis probatum est. Eius, sanctique Remigij, ac innumerabilium Sanctorum vita scripta, Vandalarum vastatione scias esse deleta. Hunc attestatio diuina tuae fidei committo, quatenus cum diuinò seruitio, inquantum valo, honorifices, & secularibus dites. Vale dilectissime in Domino.

Basilica S. Translata sunt autem haec sacræ reliquia primò ad Turholtum monasterium: de-  
Donatiani in dñe cum magna celebritate Brugas, iussu eius, quem diximus, Balduini Ferrei: qui facillum antiquum, in honorem sanctissimæ Virginis dedicatum in Burgo Brugensi, in basilicam beatissimi Donatiani mutauit. Literæ Ebonis Archiepiscopi, quas paulo antè annotauimus, etiamnum extant in loculo, quo S. Donatiani corpus integrum continetur: inspectæ & attrectatæ à multis eius ecclesiæ Canonici, cum tertio trans-  
ferreretur sacrum illud corpus à primo Brugarum Episcopo D. Petro Curtio, anno 1565. 13. Octobris. Porro prima translationis, quæ sub Balduino Ferreo facta est, festum celebratur Brugis 30. Augusti. Basilica verò, olim collegiata, modò ecclesia Cathedralis est. Hoc loco quædam libet miracula subiungere, quæ facta sunt à translatione prima, habenturque in vetustis manuscriptis codicibus: sed nos ea non nihil contra-  
ximus ob vitandam prolixitatem.

In quodā Frisię oppido Ermengardis fœmina fuit. Ea quandoquæ haustura aquam, cum hydria ad puteum abiit. Ecce autem à monte vicino melodia mirifica ad eius perlata aures, eam illexit, ut relicta hydria, properaret ad montem. Vbi cùm se se prostrauisset, animum oblectatura concentu illo musico, blando sopore correpta est. Cernens id quidam malignus homo, malo dæmone instigante, bullienti aqua eam perfudit. Unde non solum pilis capitis omnes, carne & sanguine permixti, cum ingenti dolore defluxere, sed etiam oculorum lumen extinctum est. Ita misera illa octo annis ea cæcitate laborans, alieno ductu, scipioni innixa, suos regebat gressus.

S. Donatia. Anno nono ipsa nocte sacratissimæ nativitatis Christi apparuit ei senex quidam, caninus apparetie venerabilis, albis amictus vestibus, pedum pontificium manu tenens, atque hunc cæcæ fœminæ in modum eam appellans: An ne molesta tibi est, filia, tam diuturni tēporis cæcitas?

At

Atilla: Ita ferè natura comparatum est, inquit, ut quæ molestia sunt, non sine molestia ferantur. Tum senex: Accingere, ait, filia, & Brugas ocyùs proficisci. Illic, me patrono, cælestis tibi aderit medicina. Respondit mulier: Quanam ratione, mi domine, Brugas ego petam, quæ & via, & loci, & ipsius etiam nominis ignara sum? Tum senex apprehensa illius dextera, publicam ei viani humanissimè indicauit. Cumque abiret, illa sublata voce sciscitabatur, quisham esset, & quo vocaretur nomine. Illo respondente Episcopum se esse, & Donatianum appellari, mulier expergesa, tali visione lætatur. Sed cum de veritate hæsitaret, iterum ac tertio apparuit ei sanctus Episcopus. Atque ita omni ambiguitate reiecta, fidelium fulta præsidio, peruenit ad locum. Erat tum annus instaurata salutis millesimus & undecimus. Fratribus autem Missarum solennia celebrantibus, alieno ductu in ecclesiam ingressa, ad locum, vbi sanctissimi Donatiani corpus conditum est, cum ingenti deuotione & perfecta fide accessit. Post prolixas preces, nerui contracti momento temporis, non sine dolore laxati sunt, & cum ab oratione surrexisset, oculi stillabant sanguinem: illa vero magna voce Deum laudans, lumen amissum sibi sensit restitutum. In argumentum fidei accurrens sacræ ædis Præpositus, & rem diligenter inuestigans, fidele testimonium ijs, quæ diximus, perhibuit: & omnis plebs, vt vidit, dedit laudem Deo & sancto Donatiano.

Mulier sa-  
natur ad ei-  
us lacrum  
corpus.

Cum inclitus Flandriæ Marchio Balduinus, cultor iustitiae, pacis amans, inter cetera bonorum operum studia, monasterium in castro Hasnonensi fundatum extruxisset, eius dedicati causa mirificos ex immensis opibus suis adhibuit apparatus, tantæque solemnitati omnes Flandriæ optimates cum suis iussit interesse. Cunctorum quæ sanctorum suæ ditionis corpora cum Episcopis, Præpositis, Abbatibus & subditis suis adesse voluit. Vnde factum est, ut etiam preciosus patris nostri Donatiani thesaurus, cum alijs reliquijs, magna procerum stipatus caterua, ad eum locum honorifice apportaretur. Et quia tot hominum millia is locus capere non poterat, fixis tectorijs, sanctorum corpora custodientes, diuino cultui vacabant. Populus vero certatim ad ea cum oblationibus accedebat. Inter alios etiam nobilis quidam ad sancti Donatiani corpus venit, per tantum patronum peccatorum suorum remedia expetens. Ecce autem post affixa loculo eius oscula surgente illo, quidam, cuius magno ardebat odio, cuique iampridem necem moliebatur, ad genua eius procidit, propter Deum & sanctum Donatianum sibi ab illo veniam dari petit: In te, inquiens, peccavi: miserere mei, vt etiam Deus misereatur tui. At ille stomachabundus minatur, n̄ quamprimùm se dimittat, in sancti corporis præsentia se illum trucidaturum: quantoque alter in petenda venia erat cōstantior, tanto ille pertinacijs eum repellebat. Mouit ea res Clerum & populum, qui aderat: simulq; cum homine supplice abiiciunt se ad pedes illius, orat multis modis, eum flecente cupiētes. Sed ille nec precibus, nec lachrymis mouetur: immò maioris furoris cœstro pérctitus, obstinato animo à sancti corporé recedit. Non dormitat autem vltio præpotentis Dei: repente vtroq; lumine orbaratur. Crescente dolore & timore, animi sui angores horrendo ciulatu prodere compellitur: Heu me miserum, inquit, qui Deum & sanctum Donatianum grauiter offendit. pārensque aliorum consilijs, humiliiter petit ad sancti corpus se adduci. Coram illo se prosternens, diu cum lachrymis & gemitibus deprecatur. Inde surgit à precibus, osculatu hominem, cui erat infensus, & redit amissum lumen. Clamor populi in sublime tollitur, Deus in sancto suo ab omnibus collaudatur: Marchio Balduinus hæc audiens, mirificè exhilaratur, maiori diuini cultus inflammatur desiderio, pīssimum patronum sanctum Donatianum maiori veneratione complectitur.

Percutitur  
diuitiis,  
nolēs igno-  
rcere veniā  
petenti.

S. Donatia-  
ni meritis  
fanatur.

In eiusdem beatissimi viri castro, (vt habet codex) id est, Brugis, mulier paupercula & senex adeò contracta fuit, vt multis annis miserandū in modum reptaret. Ea nocte quadam leuiter obdormiens, videt quendam niuea indutum stola, blanda voce sibi dicentem: Tempus est, filia, vt tantis malis finis imponatur. Itaq; ad ecclesiam illam accedas, (eam autem dígito demonstrabat:) illic à Domino cōsecutura veniam peccatorum, ob quæ ista pateris, & per eius ecclesiæ patronum sanctum Donatianum, perfectam corporis sanitatem recuperatura. Illa euigilans, laudat Deum, manè domesticis & alijs fidelibus indicat visionem, reptat ad ecclesiæ plena fide, orat ibi cum fœmina cō- lachrymis, surgit tam sana & incolumnis, vt nulla morbi vestigia in corpore cernerentur. Agit qua potest virium facultate, gratias sancto Donatiano: omnis ciuitas hæc audiens, magnis vocibus laudat Deum.

Ea tempestate, qua innumeris Christianorum exercitus Hierosolymam petijt, infideles è terra sancta profligaturus, Marchio Flandriae Robertus, vir forma corporis eximia, cum nobilioibus & optimatibus Comitatis sui eò quoq; profectus est. Eius verò gubernatione Flandria destituta, malus dæmon inter eos, qui remanserant, præfertim verò Brugenies, tantam excitauit animorum dissensionem, vt frater aduersus fratrem tumultuari non vereretur. Indè verò bella extitère intestina, quæ sine multo sanguine sedari non potuerunt. Illis malis incrementibus, iubente monasterij S. Donatiani oppidi Brugensis Præposito, & fratribus id consulentibus, corpus eiusdem S. Donatiani extra basilicam in plateam illi propinquā, cum multa deuotione expotatum est. Ibì tum sacerdote ad populum concionante, mirum in modum per sancti spiritus gratiā adeò discordia omnis sopita est, vt cuncti inter se pacis fœderā inirent.

Tumultus sedatur.

Puer claud⁹ curatur.

Itēm paralytica.

Istius Ilheri memini. Molanus in suo indiculo

Atque ut dubium non esset, cām pacem diuinitus conciliatam, puer quidam, toto vi-  
ta suæ tempore claudus, apud sancti corporis loculum depositus, quanta potuit ani-  
mi cōtentione opem postulauit: (Viderat enim in somnis, vt ipse aiebat, à sancto Do-  
natiano se curatū iri) atque ibì sanatus est. Eodem die, sacro eius corpore in mona-  
sterium reportato, quædam paralytica ad loculum eius eo morbo liberata est. Id ve-  
rò miraculum idcirco factum creditur, vt populi incredulitas confutaretur, antece-  
dens miraculum, quod in puerō contigerat, non sancto Donatiano, sed sancto Ilhe-  
ro tribuentis, vt cuius loculo puer ille propinquior fuisse videretur. Itaque laudatur  
Deus ab omnibus, & sanctus Donatianus honoratur.

In monasterio Guatimensi, à viro religioso Odfrido constructo, in quo Clerici degunt, Apostolicae vitæ canonem sestantes, quidam Hermarus, vir fidelis, eidem sa-  
cerdoti Odfrido duos parulos filios obtulit, Domino illic seruituros. Dedit ergo  
opéram Odfridus, vt in virtutum studio illi suos haberent progressus. In altero verò  
illorum, cui Themardi erat nomen, memorabile Deus per sanctum Donatianum  
miraculum declarauit. Cum enim nono ætatis anno oblatus esset in monasterio, &  
religiōsè viuens, de bono in melius semper proficeret: vbì adolescentiam attigit, oc-  
culto Dei iudicio adeò est paralysi dissolutus, vt à planta pedis vñq; ad verticem, dimi-  
dia sui parte membrorum officio esset substitutus. Eo incommodo cum iam triennio  
laboraret, & natalitio beati Nicolai die populus frequentior ad locum illum con-  
flueret, quædam mentis alacritate petijt, vt cum ceteris fratribus communī celebri-  
tati & lātitia, ipsi interesse liceret. Nocte igitur adductus in ecclesiam, pro deuotione  
lectionem legit: sed vim morbi non ferens, absolutis laudibus, aliorum opera ad le-  
Visio fratris paralyticæ.

Quædam reductus est. Vbì cùm vix tenuiter obdormisset, repentina luce cubiculum  
totum perfunditur, atque in ea duos quosdam præclaros viros ad se aduentantes  
conspicit. Antecedebat autem illos senex quidam, honoris, vt videbatur, & officij  
causa, pròpter illorum eximiam dignitatem: illis cùm quadam singulari grauitate  
cum subsequētibus. Fratre autem ex ea visione timore correpto, is, qui præcedebat,  
familiariter ad eum decumbentem accessit. Eum verò diligenter intuitus frater, ani-  
maduertit dominū Odfridum esse, qui ante biennium ē vita migrārat. Eo igitur agni-  
to, mirum in modum exhilaratur, & quibus potest modis, tres illos veneratur. Tum  
senex ad illum: Dormis' ne, inquit, fili? At ille: Itāne, mi pater, ait, dormire me posse  
credis, quē vsqueadè debilem conspicias? Tam abeſt ab oculis somnus, quām à mem-  
bris sanitas. Et senior: Respic, inquit, fili, in hos: quorum alter est sanctus Donatia-  
nus Brugensis, qui te visitatum aduenit: alter verò Blandiniensis coenobij habitator  
Istius Gud. sanctus Guduualus. In illorum igitur vltra humanum modum luculentos vultus  
uuall Episcopias & pontificias frater suos intendens obtutus, eorum formas animo suo im-  
prestit, & fratribus posteā exposuit. Porrò Odfridus ad Donatianum conuersus, En-  
culo D. Mo. inquit, vir sancte, iubet Deus, vt hunc canonicum sanes, qui ad proximum Christi  
natalem Brugas veniet, & sua statura filum argenteum, duos Anglicos valentem,  
pro munere tibi apportabit: atque eiusdem precij dono, quotannis eò se conferens,  
tuum cumulabit altare. Respondit sanctus: Placet, quod dicis. Apprehensam ergo  
dexteram fratris senex beati Donatiani dexteræ admouit, atque huiusmodi verbis  
eum illi commendauit: Accipe, vir sancte, hunc canonicum pro illo vno ē tuis, quem  
tibi nomino, qui nisi ad meliorem frugem se receperit, damnationis sententia fe-  
rietur. Huius nomen frater nulli vñquam indicare voluit, at tamen ante obitum  
eum conuersum ait. Interea duo illi disparent, relicto apud fratem Odfrido sene,  
qui eum, quid deinceps ageret, diligenter instituit, & multa ei arcana tanquam fideli  
fideliter

fideliter enunciauit. Deinde etiam ille recedit, fratremq; præ angustia multo sudore madetem relinquit. At ille fratribus visionem refert, seque sanatum iri constanter affirmsit. Circa festum natalis Christi non sine ingenti labore Brugas venit, beati Donatianus corpus inuisit, magnisq; pressus doloribus, imminente Christi nativitate perfecit reuelatione, munusque a senecte in dictum offert. Accidit hoc anno salutis millesimo octogesimo octavo, eodemque tempore apud sacrum beatissimi Donatiani corpus restitutum est. Paralyticus apud corp. S. Donatiani perfecit

## VITA VENERABILIS DOMINICI LORICATI, PER PETRVM DAMIANI AD ALEXANDRVM

*Papam scripta, Habetur Tomo 8. Aloysis.*



CCE sanctissime pater, dum Epistola, in qua vitam Ro-  
dulphi descripsimus, gerulus, qui ad vos veniat, queri-  
tur, & non suppetit: repente aliud, quod uberior ad ædi-  
ficationem proficere valeat, si scribatur, ocurrat. Et for-  
tassis ob hoc nuncius mihi superna dispositione subtra-  
hitur, ut interim vacantem me stylus ad aliud transferat.  
Vir itaq; Dei Dominicus, pater & dominus meus, ante  
annum defunctus est: cuius vita si scribatur, vereor ne  
fortassis à quibusdam fratribus incredibilis indicetur.  
Sed absit à me mendacium scribere. Nam qui veritatem  
pro viribus veraciter colo, commentum fallacie nō ad-  
mitto. Neque enim illud nos latet Apostoli, qui cùm premisisset: Si Christus non re-  
surrexit, inanis est ergo prædicatio nostra, inanis est & fides vestra: statim subiunxit:  
Inuenimur autem & falsi testes Dei, quoniam testimoniū diximus aduersus Deum,  
qui suscitauerit Christum, quem non suscitauit, si mortui non resurgent. In quibus  
Apostolica sententia verbis, ut diutius non immooremur, in promptu lector intelligit,  
quoniam qui vel Deum, vel Dei seruum mirabile quid fecisse confingit, non modo fa-  
bricati mendacij premium non meretur, verum etiam aduersus cùm quem laudaue-  
rat, falsum testimonium protulisse conuincitur.

Dominicus itaq; cùm esset in seculo clericus, quia tūc Simoniacā vigebat hæresis, quæ & nunc vtinā prorsus esset extinta, vt presbyter fieret, à parentibus eius data est Episcopo hinc in pellis aluta. Sed quia, sicut ait Apostolus, diligentibus Deum omnia cooperantur in bonum: hæc vna beati viri culpa, multorum post bonorum probatur exitisse materia. Nam hoc pauore perterritus, cōtempnit seculum, induit monachum, arduumque mox eremiticæ vitæ, tanquam bellator intrepidus, arripuit institutum. Sed quia malè promotus est, donec vixit, sacrosancti altaris usurpare ministerium non presumpsit. Virgo usque ad obitum fuit, vitam eremiticam non omisit: vbi nimis sub magisterio sancti viri Iohannis, qui dicebatur de Monte Fererti, plurimos vixit annos. In illa igitur eremo, quæ scilicet erat in regione, quæ dicitur Luccoli, constituta, decem & octo videbantur cellulae ad habitandum fratribus depu-  
tatae, vbi nimis sub hac regula viuebatur, vt nunquam vinum biberent, nunquam adipe alimenta condirent, vnum in Dominica die, sed & quinta feria pulmentum su-  
merent, quinque per hebdomadam diebus in pane & aqua ieiunium celebrarent, solis autem orationibus vacantes, vel manuum operibus insistentes, non agricultu-  
ram exercebant, non prædia, vel aliquam substantiam, præter vnum sagmarium, pos-  
sidebant. Cum quo scilicet asello, vel equo, vnu erat minister, qui vel ad acquirendas, vel ad terendas, fruges indeficiens discurrebat, solusque eos cunctis necessitatibus sus-  
tentabat, Iohannes scilicet: qui postmodum loci Abbas factus, sub honesta rexit ad-  
ministratione conuentum. Tenebat autem per totam hebdomadam districta cen-  
sura silentium, quod utique Dominica die post vesperam, cibumque soluentes, habe-  
bant loquendi inuicem usque ad completionis officium libertatem. Nudis præterea  
pedibus & cruribus iugiter in cellulis morabatur. Dicit autem mihi, quia cùm coha-  
bitaret Ansoni, religioso videlicet viro, quem & ipse vidi, quotidie per omnes canonicas & disciplinas sibi metu inuicem scoparum iectibus ingerebant. Qui videlicet Anso sibi for. horas aliquando conquestus est, quod aouem diarias panis pensas in ventre simul haberet.

Tantæ

Abstinencia eius.

Silentiū di-  
uturnum.